

雙  
星  
圖



雙星圖

古本戲曲叢刊五集

據中國藝術研究院戲曲  
研究所藏清康熙樂餘園  
刊本景印原書版匡高一  
九四毫米寬一二四毫米

雙星圖小引

星辰之繫於天也相去萬數千里其果金繩玉緯以繫之乎抑亦鼓其大氣績為鈎絲以舉之也間嘗遊明月之下頌黃姑織女時相見之句漢、銀漢安得而時相見乎按野史有織女詣牽牛之說漢史載張騫泛槎至北海遇織女贈支磯石唐史載三郎七月七夕與玉真矢於長生殿此又其彰明較著者也且天行每歲冬十一月至日次於丑垣正陰去陽生之候說者以織女為天孫牽牛為三將軍貴臣內戚又

不知河北之故曾邀省宥否耶此正天上一大歡喜  
部頭勝於月中霓裳羽衣曲多矣何自元以後曾  
無有佐之者或曰難也以三垣也而九垓則聚其班  
難以經星也而贅疣則措其詞難以非佛非仙非人  
非鬼而欲曲寫其悲歡離合之致則得其情維予聞  
之俯首而退試閉戶月餘聊以告無罪於二星庶幾  
乎可無慚於三維之說矣宜黃無穀謳者識

雙星圖目次

卷上

圖弁

借遊

遺絲

樓宴

緣靚

冰傳

機合

旂現

贈奩

星迎

群戲

情戀

糾離

石閔

分影

卷下

填河

河溯

蚩動

避寇

星陷

車載

城壘

愁臺

伏魔

葶逃

叔女

錯悼

試貞

歛閣

鵲夕

雙星圖卷上

無聲謳者編

第一齣 圖弁

瑞龍吟副末上情無譜千古惟有淵明閑情一賦倘然  
神女高唐相觀盡是妖雲孽雨 秋如縷臥看牽牛織  
女一年一度天星未免多情真情豈在朝朝暮暮 此  
話桂城曾遇泛查有客料非欺侮我將筆乳傳情珊然  
阿楮玉樓邂逅正是遺情處青鸞合歡情稍戀天工猶  
妬大劫還飛絮從茲滿地傷離緒幸有星爲主君莫咲



石白先生撇古雙星如是風流須悟

情必淡而可貞雙星會鵲

情惟痴而始慧精衛填河

情若蕩而自灾兩尤煽焰

情既忘而普惠武曲摩柯

第二齣 借遊

遷鶯帶瑞鶴喜遷鶯生扮牛郎丑扮牧童雜扮二旂手  
隨上清虛無底鎮幾袖煙屏一鞭霞氣腸斷桃林聲悲  
牧笛漫漫長夜何其誰說才高文角休教情逐花蹄瑞  
鶴仙且坐分犢草望千羣茁壯長而已矣

鴈平沙凭欄渺渺銀河錯紀年轉轉桃花落烟沉霧  
冷宵衣薄真消索誰言天上神仙樂既不溯天台  
一角又不搗玄霜一藥夕陽短笛淒涼惡空担閣痴  
情怎向凡間學下星牛郎是也列宿垣之九居坎位

之中祖肇一元實涵太極嗣多大武能靖羣氛若金  
畊若水畊若火畊若木石畊功補陰陽之闕爲立牡  
爲青牡爲駢牡爲黃白牡精儲元會之奇論毛族四  
萬八千享帝唯需綉特溯天運三百六十誕生實應  
華年所以支派繁多遂爾流居凡土盤古肖其首而  
御世墾開混沌之荒老聃騎其背而出關高列神霄  
之座這也不在話下只是俺爵叨司牧祿賜天田旁  
列有左右兩旂以修武備又幸有車司王良馬司造  
父往來相契昨日接來玉旨將屆五百年灰劫之期

例用純正肥穢上郊無極三十二昊穹始生之帝俺  
已嚴勅牧長加意孳調今日不免向牧場巡視一遭  
也

**宜春令**這是銀河畔可泳思望斗間維南有箕轉望介  
笑同垣季女虛虛厮守那孤危室小丑遠遠望見青蠹  
蠢的白晃晃的便是東西兩圍也生山障了元氣佳哉  
川流了吾牛美矣咳安得這牛兒呵耕的這天田產異  
種成雙璧

孝順兒

孝順歌

雜扮二青衣牧童二白衣牧童吹笛唱

上無腔曲沒韻詩尔牛來思扣角吹哥錢牛盡人世難  
尋把牛鼻作牛聲介唔哼苦兮小丑唵星君在此還不  
叩頭雜見介東西二圍牧隊長叩頭生俺昨日吩咐你  
們用心看管還在這裏頑耍麼雜不敢江兒水合霎時  
纔把青兒喂價時牽向風兒憇作牛淫狎介還有個雙  
雙淫戲生喝介雜星君若不是牝牡同交怎能穀生生  
不已

生你們好生看管俺日後自有重賞雜謝星君各吹  
笛下生再向南北二圍行一遭也行介

宜春令 離爲殿坎作池盼蒼茫烟霞盡衣盈盈河漢轉  
過人間應識風流味俺且站立高岡南望赤羣北瞻玄  
牡直個畜牧繁盛可用粟量也論孳息九十其特盼牧  
奴什千維輩俺待要騎的這青牛朝帝選成佳麗

孝順兒

孝順歌

雜扮赤衣二牧童黑衣二牧童醉唱上

桃林舞杏葉飛醺醺醉傾牛耳卮哥牛頭夜叉持誰能

見牛尾

作牛觸介

躑躅惡兮

小丑

哇星君在此快些叩

頭雜

見介

南北二圍牧隊長叩頭

生

俺昨日吩咐你們

用心看管怎麼吃得這樣醺醺爛爛醉好打雜不敢江兒

水合前

生你們當用心看管俺日後自有重賞雜謝星君各  
作醉態下生巡視已畢左右可打疊回垣去也雜領

鈎旨

三學士

小生扮王良末扮造父上白玉樓高聳帝畿勝

遊共約驅馳

小生自家王良是也末自家造父是也合

白玉樓成特來約牛九郎同去遊覽指介那前面行走  
的正是他了不免近前相見見介九郎到那里去來生  
俺困騰騰吐不出腌臢氣波碌碌料難消箸笠衣二兄

到此有何見教小生末願駕御君家觀止矣凌虛記莫  
辭題

生有甚美景二兄來約小弟去遊玩也小生末九郎  
你不知道呵

琥珀猫兒墜樓成白玉的明瞰瑶池生哦白玉樓就落  
成了小生末奉有絲綸許共嬉不分仙客與真妃生既  
然如此小弟願步車塵隨驥尾了小生末須知俺攬轡  
持鞭莫負佳期

尾聲末俺輪中輾玩瓊樓美小生筭多少遊人逐馬蹄



〔生〕俺只怕攢鼻長絲牽動咱憔悴矣

〔生〕奇犀半角照天峯  
〔小生〕漸入三輪玉鏡中

〔末〕願得新詩來馬背  
〔合〕揀將靈運闢鸞叢